



Ntao thu Rung khou rui pat tho tuna Raguang rui sa the, kumna Noah khatnic kakai khun mei guai khouring-khouna, puatchei guai katiam pat the.

19



Noah tei neila-jang gai mei rui padik lana Racha kasiame thao na kamei ta duidai khou rui kan lou mei Raguang ta kalum the.

20



Khoutei Noah khou Raguang rui latrian su the. Tabui bui su bam sinic mansei pap jang khang rui mi kandi nam ru khou nai

mei kalung parik mei ta duidai rui sumaan datjat lak khe tuna Raguang kalatrian suna ning tou bam khang "muangsing" ti thao lou the.

21



Duidai tang Noah khatnic kakai khun mei guai jug/juk than suna lung thao dat the. Mi khou tei rui thao na kandi hei mansei lungking-lungkiu pat dat the.

22



Noah khatnic Duidai



Ntao nai na bam mei jat hei ju mei guai hei Noah khatnic kajik-kajiu khou rui lung pat dat tuange.



23

Noah khatnic Duidai
Raguang tuang lat khou rui Pary,
Baibal/Bible khou rui phange
Thaureime 6-10
"Nang lat akhou gut lou khou rui gaan mei ti lou e." Kalumlu 119:130

Aniu rui si mei taan lou mei guai na ta Raguang rui thai e. Mi ta tei pap tuna kao e. Pap tuang taanphi thu thei mei e.
Raguang rui nbaan ta hei di kam njian lou lou na Kana Mpou khatna mei ta kros khou nang pap jang nang phaen thei lou khang ndiu kei lou the. Kamei thei lou na Ringthao dat na Tingkao tat kan the. Nang rui kakhou lum lou na nang pap guai kuak lou khang nei ethei, kamei rui guang lou na nang pap kuak lou puni.
Nang, pap khou rui kalai na duak pat ni ethei, Raguang khou kalum tho. Njianmei RAGUANGC, Jisu rui apap jang thei lou na ringthao dat kan mei ta Ai lum the. Alung khou gut lou na apap guai kuak lou o. Kum ethei Ai ni panti kathan suna lung nu khang, nang le Tingsaeng Ringsuang mei panti khou lung ncham khang. Nang khang suna apanti hei lung khang khatnic nang na su khang nkha lou o. Jisu jan khou nei e. AMEN.
Baibal Tingmikpum pana RAGUANG ta kachu o.

Rongmei

Hime Edward Hughes
Kaba Dinv Louc Mei Byron Unger; Lazarus
Hanc Pat Louc Mei Katsin Kamei
Kaluan Kasiamev Louc Mei M. Maillot; Tammy S.
Pary 60 tuang 3
M1914.org
Bible for Children, PO Box 3, Winnipeg MB R3C 2G1 Canada
Nu Lou Mei: Nang rui juanv khang ham mak ge thei nam pat dat lana sin su nu e.



Mi gan khou tei kandi mei guai Raguang ta karang na kalat piu mak bam khou the tiki Noah kai tho Raguang ta kalum bam khuane.

Mi gan khou tei mi sii mei nbaan kapum ta Ai rui ti kamut-kamai puni the tiki nangkai ta thu gu lou puni tuna Raguang rui Noah khou sa the.

1

2

Raguang rui Noah khou sa the. Duidai ti guang puni the, hei kum pui jang rui'Rung'kasiam tho, mi tei nang kaikhun mei guai khatnic khouring-khouna guai gut nu khang kasiam ni na e tuna sa the.

3

Kum tina Noah rui salou mei lat tei piu na sa lou mei lat kahak tei tan khang taan tin thao the.

4

Noah rui'Rung' tei taan thao pu khou kandi mei guai rui kata mala na nui the tiki Raguang lam tei din lana Noah rui'Rung' tei tan thao the. Kume tiki kandi mei guai rui kalat nking na la lou mei mak khe.

5

Noah thu lum mei khou tan mei pu e. hei jang rui ting riu mak sini kamei tho Raguang ta lum e. Ntao tho 'Rung' tei taan luai the, puat guai lou khang cham dan the.

6

Raguang rui sa the. Kandi khou nai mei khouring kajat guai la guang tho, kumna kakui-kadui khat-khat suna laguang tho.

7

Kum tina kajan/kajat nai mei guai thiam mei khou rui dai mei jat guai Noah rui laguang the. Bai mei kajat chanej ni la guang the.

8

Noah rui hei kum na taan bam tikhou kandi mei guai rui kata mala hai hai na Raguang ta sinnui bam kuan the. Kumna kaniu RUNG khou gut mak khe.

9

Noah rui taan guai na taan luai na khouring-khouna kaguai na ta ti gut lou ngam mei tang "Noah, gut tho, nang khatnic nang kaikhun mei guai tuna sa the".

10

Noah tei kanou, kana nun katham khatnic kana nun nou guai tei gut the. Khou tei Raguang rui RUNG kaikhun nbang kan the.

11

Mi tang Raguang rui Tignkao kaikhun laan pat na charin mei ting tingmik riakdei khatnic zingbangc riakdei ti riu kei the.

12

Ntao thu kaidai khatnic namv guai khou duipui dui rui lik the. Duidai tei rui namv kapum na ta liam ngam the.

13

Ching, jang, katao, kaniem guai dui bang khou bam ngam the kum tina ring mei khouring, kathiu la mei guai thei ngam the.

14

Dui chung thao mei thei tei RUNG tei nic phuang ku the. Rung lung tei zing gun-gun na duipui rui kanuk ran si kan e. Tiki duidai khou rui Noah kai ta tho kan lou kan the.

15

Duidai tang bu pangu tangc pukhou Raguang rui ramkaeng pun ti aliu guang the. Hei kum tina rung tei Ararat kao mei chingbut tuan khou nthak the tiki Noah tho rung lung khou dui tei thip kei mak saan tingmik riakdei bam kuan the.

16

Mi tang tei Noah rui agaek kui le akhounac ta Rung tuang kaikhun lao na laan pat na ti sam pat lou the tiki ramkaeng di, tou kei nu pui bam mak tina sam guang han dat the.

17

Jang charuk tang Noah rui pat lou dat the kum ti na khou na tei Olive nui kamuang tuan khou pun guang kuan the. Mi tang tei akhounac tei guang han dat mak khe kum tina Noah rui dui kang kei the tu mei thai the.

18